

Script of Morning Gojri News Bulletin 16 February 2025 at 1025Hrs instead of 1015Hrs 16 فروری نیوز بلیٹن مو رخہ 2025
فروری 2025

یوہ آکا شوانی جموں بے باغ علی طاہر تیں خبر سُنو۔

PM Summit

وزیر اعظم نریندر مو دی نے کہیو بے جے بھارت نہ چھڑو مستقبل نانہ لے غے عالمی مباحثاں غو مرکز بنیو وہ بے، بلکہ ان مباحثاں غی قیادت کر رہیو بے۔ کل دہلی مانہ اک میڈیا کھرانہ غی طرفوں منعقد کیا گیا اک سمیلن سنگ خطاب کرتاں واں جناب مو دی نے کہیو جے ہن بھارت عالمی سطح ور اپنا مقام تیں جس راہ اُطف اندوز ہو رہیو بے، استوں پہلاں ایسو کدے وی نہیں ہو سکیو بے۔ اُن غو کہنو تھو جے بھارت نانہ ہن عالمی پلیٹ فا رمز ور پہلاں تیں زیادہ پُر اعتماد دیکھیو جا سکے۔ وزیر اعظم نے کہیو جے بھارت سال 2014 تیں ترقی مانہ تیزی سنگ آگے بدھ رہیو بے۔ اُنہاں نے کہیو جے محض اک دہائی غے آندر آندر بھارت دُنیا غی 5 بڑی اقتصادیات مانہ شامل ہو گیو بے۔

LG Condolences

لیفٹنٹ گورنر منوج سنہا نے گذشتہ شام نوی دہلی غا ریلوے سٹیشن ور مچی بھگڈ مانہ 15 افراد غی موت ور سخت صدمہ غو اظہار کیو بے۔ سماجی میڈیا غی اک پوسٹ مانہ لیفٹنٹ گورنر نے غمزدہ خانداناں سنگ تعزیت کرتاں واں زخمیاں غی جلد صحتیابی غی دُعا وی کی۔ واضح رہے جے بھگڈ غا اس واقعے غے بعد 10 افراد نانہ ہسپتال داخل کرایو گیو تھو۔ ریلوے غا مرکزی وزیر نے کہیو بے جے متاثرہ افراد غی مدد غو کم جاری بے تے بھگڈ غی وجہ غو پتو لان با رے تحقیقات وی کی جا رہی بے۔ اُن غو کہنو تھو جے اس سلسلہ مانہ صورتحال ور نزدیکی نظر رکھی جا رہی بے۔

Dy CM Drug Menace

نائب وزیر اعلیٰ سُریندر کمار چودھری نے منشیات غے خلاف لڑائی مانہ تیزی لیان غی ضرورت ور زور دتو بے۔ اپنا آنت ناگ دورہ غے دوران میڈیا غا نمائنداں سنگ گل کرتاں واں اس بدعت غا بدھتا واقعات ور روک لان غی خاطر فوری اقدام کیا جان غی ضرورت ظاہر کی بے۔ مقامی ممبران اسمبلی سنگ ضلع مانہ کیا جان آلا ترقیاتی اقدام ور پیش رفت غو

جانزو لیتاں واں نائب وزیر اعلیٰ نے سماج غا تمام طبقات غی طرفوں رَل غے کو شش کیا جان ور زور پایو۔ اُنہاں نے اِس موقع ور بولتاں واں عوامی تشویشاں غا اَزالہ تے مجموعی ترقی بارے سرکار غا عہد نانہہ وی دُہرایو۔

Jal Shakti Minister

جل شکتی محکمہ غا وزیر جا وید احمد رانا نے یقین دُویو ہے جے سرکار نانہہ عوامی مسائل غی جانکاری ہے تے واہ ضرورت غے مطابق بہتری غا اقدام کر رہی ہے۔ وے ”ریشم گھر“ کالونی تیں سابق کارپوریٹر راما غی قیادت مانہہ آیا اک وفد سنگ ملاقات کر رہیا تھا، جنہاں نے جموں غی وارڈ نمبر 13 مانہہ پانی سپلائی بارے معاملات نانہہ وزیر موصوف غے باندے اُجاگر کیو۔ اُنہاں نے اِت اک ٹیوب ویل بنان نالے پانی سپلائی غا اوقات مانہہ باندو کرن غو مطالبو کیو۔ اِس موقع ور وزیر موصوف نے پی ایچ ای محکمہ غا چیف انجینئر نانہہ اس مطالبہ غا فوری ازالہ غی ہدایت کی۔ اِس موقع ورکئی بور وفد وی جناب رانا سنگ ملاقی ہوا تے اُنہاں نے وفود نانہہ یوٹی غی بروبر ترقی بارے سرکار غا عہد غو یقین دُویو۔

Badhal Return

ضلع راجوری غا بڈھال گراں غا 32 افراد غادوجا قافلہ نانہہ وی گذشتہ روز اپنا گراں واپس کر دتو گیو ہے۔ واضح رہ جے بڈھال گراں مانہہ پُر اَسرار اَموات غو سلسلو شروع ہو جان غے بعد ان افراد نانہہ علیحدگی مانہہ رکھیو گیو تھو۔ اِس پُر اَسرار بیماری غی وجہ نال گذشتہ سال غا 7 دسمبر تیں اِس سال 19 جنوری توڑی کُل 17 افراد جان بحق ہو گیا تھا۔ ان افراد نانہہ احتیاطی اقدامات غاطور ور علیحدگی مانہہ رکھیو گیو تھو۔ 70 خانداناں غا 3 سو 50 افراد نانہہ 22 دنن توڑی علیحدگی مانہہ رکھیا جان غے بعد ہُن اپنا کہراں در جان غی اجازت مل گئی ہے۔ حالانکہ اِس بیماری غو آجوں توڑی مکمل پتو نہیں چل سکیو ہے۔ البتہ ماہرین نانہہ شک ہے جے یہ اَموات نیورو ٹاکسین غی کھان مانہہ موجودگی غی وجہ سنگ ہوئی این۔ متعلقہ عہدیداراں غی طرفوں آجوں وی متاثرہ کُنباں غی نگرانی کی جا رہی ہے، تانجے اُن نانہہ ضروری امداد مہیا کرائی جا سکے۔

DC Udhampur

ادھم پور غی ڈپٹی کمشنر سلونی رائے نے ایس ایس پی اَمود آشوک ناگ پورے غے ہمراہ ضلع مانہہ آئندہ مہا شورا تری غا تہوار نانہہ بہتر طریقہ سنگ منایا جان نانہہ یقینی

بنان غی خاطر منعقدہ اک میٹنگ غی صدارت کی۔ میٹنگ غے دوران تہوار آلے روز ضلع مانہہ حفاظتی بندو بست غے نال نال پین غا پانی، بجلی سپلائی، طبی امداد، صفائی ستھرائی تے ٹریفک انتظامات بہتر بنان با رے خصوصی غور کیو گیو۔ ڈپٹی کمشنر نے اس موقع ور صحت ٹیمان تے ایمبو لینسز غی تعیناتی تے دوجی ضروری خدمات غی بلا روک ٹوک سپلائی نانہہ یقینی بنان غی متعلقہ عہدیداراں نانہہ ہدایت کی۔ انہاں نے اس موقع ور لوکاں ور وی زور پایو جے وے صفائی ستھرائی قائم رکھن مانہہ انتظامیہ غو تعاون کریں، نالے افسراں نانہہ ہدایت کی جے وے بازاراں مانہہ ضروری چیزاں بستاں غی قیمتاں غی وی نگرانی کریں۔

Surya Ghar

پونچھ مانہہ کل پی ایم سوریا گھر مفت بجلی یوجنا غو جائزو لین غی خاطر اک میٹنگ منعقد ہوئی۔ جس غی صدارت ضلع غا ڈپٹی کمشنر وکا س کُنڈل کر رہیا تھا۔ میٹنگ غے دوران ضلع مانہہ مکاناں غی چھتاں ور آئندہ مہینہ توڑی 5 سو شمسی نظام نصب کرن غا نشانا ور ہوئی پیش رفت غو جائزو لیو گیو۔ میٹنگ غے دوران ڈی سی موصوف نے سستی بجلی مہیا کران غی خاطر چھتاں ور شمسی نظام نصب کیا جان غا کم مانہہ تیزی لیان غی ضرورت ور زور دتو۔ واضع رہ جے قابل تجدید توانائی غا سلسلہ مانہہ شمسی نظام غا نصب کیا جان غا کم نانہہ اک نمایاں قدم غا طور ور دیکھیو جا رہیو ہے۔

JMC Commissioner Tawi

جموں میونسپل کا ریو ریشن غا کمشنر ڈاکٹر دیوانش یا دو نے ”سوریا پُتری توی/ آرتی گھاٹ غو دورو لاغے ات آئندہ ترقیاتی کماں با رے منصوبہ بندی غو جائزو لیو۔ توی بچاؤ آندولن غا صدر چندرموہن شرما وی اس موقع ور ان غے ہمراہ موجود تھا۔ اس موقع و کمشنر موصوف نے افسراں نانہہ ہدایت کی ہے جے وے گھاٹ غا آئندہ ترقیاتی منصوبہ نانہہ تیار کریں۔ امید ہے جے جموں میونسپل کا ریو ریشن گھاٹ ور صفائی ستھرائی، خوبصورتی تے رسائی با رے ترقیاتی کماں نانہہ تاؤلاں شروع کرن با رے اقدام کرے گی۔

اس غے نال ہی خبراں غو یوہ بلیٹن ختم ہوؤ۔